

**PRIMU TÌTULU**  
**ÒRGANUS ELETIVUS**

**Art. 7**

**Organus**

1. Funt òrganus eletivus de su Comunu su Consillu, sa Giunta e su Sìndigu.

**Art.8**

**Consillu Comunali**

1. Su Consillu Comunali rapresentat sa comunidadi, detrminat s' indiritzu e fait su controllu polìtigu-aministrativu.
2. Su Consillu, fatu segundu sa lei, scerat a solu s'organizazioni e is funtzionis cosa sua.

**Art. 9**

**Cumpetenzias e atribuzionis**

1. Su Consillu Comunali tenit is cumpetenzias inditadas de sa lei e fait su traballu suu in su rispetu de su statutu e de su regolamentu.
2. Cun princìpius de publicidadi, trasparentza e legalidadi assigurat s'impartzialidadi de totu s'enti.

3. Candu fait is àutus fait contu pruscatotu de sa programatzioni provinciali, regionali e statali.

4. Is àutus de importu prus mannu depint tenni is obietivus e is finalidadis anca si bollint arribai e ita serbit po ddoi arribai.

5. S'atzioni sua arrispètat sa solidariedadi.